

ՍՈՒՐԻԱԿԱՆ ՏԱԳՆԱԴՐԸ ԵՒ ՄԵՆՔ

Posted on December 20, 2011 by Keghart



Category: [Opinions](#)



Չաւէն Խանճեան, 20 Դեկտեմբեր 2011

...Առասպելներ, շահտ շահտ

«Ու ռազմակոչերը՝ հեռո՛ւ հեռո՛ւ նստած անոնց կողմէ,
որոնք իշխանութեան ու գիտութեան քղամիդը իրենց ուսերուն,
բայց աւելի շատ սուտի ու կեղծիքի մասնագիտութեամբ թրծուած,
գիտեն խեղաթիւրել բառերն ու եզրերը,
չարաշահել զանգուածներու ու ժողովուրդներու միամտութիւնն ու
զգայնութիւնը, և իրենց մէկ հատիկ ծխախոտի գլանիկին համար...
կրակի տալ իրենց զոհերուն տունն ու օճախը»:

Երուանդ Քասունի

Ծրագրեցի՛ն,
հրահրեցի՛ն,
ֆինանսաւորեցին,
մատակարարեցին,
զինեցին,

և երբ պետութիւն, ապահովութեան ոյժեր և բանակ, հետապնդեցին ոճրագործներն,
ահաբեկիչներն ու խափանարարները՝ երկրին ու ժողովուրդին անդորրութիւնը
ապահովելու և անվտանգութիւնը երաշխաւորելու, դաւադիրներն ու անոնց Արաբական
Ծոցի «ամմիս»ներն ու Արևմուտքի «անքըլ»ները արդէն պատրաստ էին ամենաբարձր
փողերով իսկ գա՛յլ գա՛յլ գոռալու: Այնքա՛ն գոռացին ամենուր, որ այլևս իրենք իսկ
երջանկաբեր գոհունակութեամբ մը հաւատացին թէ յաջողութեան ճանապարհին են:

Չաւէն Խանճեան, 20 Դեկտեմբեր 2011

...Առասպելներ, շահտ շահտ

«Ու ռազմակոչերը՝ հեռո՛ւ հեռո՛ւ նստած անոնց կողմէ,
որոնք իշխանութեան ու գիտութեան քղամիդը իրենց ուսերուն,
բայց աւելի շատ սուտի ու կեղծիքի մասնագիտութեամբ թրծուած,
գիտեն խեղաթիւրել բառերն ու եզրերը,
չարաշահել զանգուածներու ու ժողովուրդներու միամտութիւնն ու
զգայնութիւնը, և իրենց մէկ հատիկ ծխախոտի գլանիկին համար...
կրակի տալ իրենց զոհերուն տունն ու օճախը»:

Երուանդ Քասունի

Ծրագրեցի՛ն,

հրահրեցի՛ն,
ֆինանսաւորեցի՛ն,
մատակարարեցի՛ն,
զինեցի՛ն,

և երբ պետութիւն, ապահովութեան ոյժեր և բանակ, հետապնդեցի՛ն ոճրագործներն, ահաբեկիչներն ու խափանարարները՝ երկրին ու ժողովուրդին անդորրութիւնը ապահովելու և անվտանգութիւնը երաշխաւորելու, դաւադիրներն ու անոնց Արաբական Ծոցի «ամմիկ»ներն ու Արևմուտքի «անքըլ»ները արդէն պատրաստ էին ամենաբարձր փողերով իսկ գա՛յլ գա՛յլ գողալու: Այնքա՛ն գողացին ամենուր, որ այլևս իրենք իսկ երջանկաբեր գոհունակութեամբ մը հաւատացին թէ յաջողութեան ճանապարհին են:

Քաղաքական վերլուծումի փորձ մը չէ այս մրոտումը: Այդ կը թողում քաղաքական մեկնաբաններու: Ճշմարտութեան պրպտում մըն է այս, յենած ծննդավայրիս հետ ունեցած ուղղակի կապերու, խաւարումէն դուրս գտնուած սուրիական համացանցային աղբիւրներու և Սուրիոյ մէջ ծնած, մեծցած և ապրած ըլլալու փորձառութեանս:

Աճապարեմ հաստատելու թէ Սուրիան, արևմտեան հասկացողութեամբ ժողովրդավար երկիր մը չէ և անկախութեան թուականէն սկսեալ, մօտ 66 տարիներէ իվեր հազիւ մատի վրայ համրուած տարիներ անցած է այդ հասկացողութեամբ փորձառութենէ մը: Իմ սերունդս ապրեցաւ Սուրիոյ անկախութեան տարիներու առաջին 20ամեակի անկայուն փորձառութիւնը: Գրաւուած պետական ռատիօկայանէ մը սփռուած «Հաղորդագրութիւն Թիւ ՄԵկ»ի ցնցումները, աշխարհա-և-պատմաքաղաքական շրջանային այլ պայմաններու, դէպքերու և իրադարձութիւններու զուգահեռ, արդէն պարպեցին երկիրը 50ական և 60ական թուականներուն, իր զարգացած և ստեղծագործ տարրի կարևոր մէկ տոկոսէն: Հայ թէ բնիկ արաբ տարրէն:

60ական թուականներու երկրորդ կեսին, երկիրը ապրեցաւ անկախութեան շրջանի ամենաաղետաւոր ժամանակաշրջանը: Առաջնորդութեամբ երեք տխրահռչակ *պասսիսթ* կուսակցական Տոքթորներու՝ Նախագահ Աթասիի, վարչապետ Չըայենի և արտաքին գործոց Նախարար Մախոսի, Սուրիա ապրեցաւ իր յետանկախութեան ամենաանփառունակ շրջանը՝ կորսնցնելով Կուլանի բարձունքները 1967ի իսրայելեան Նախայարձակ պատերազմին և յառաջ քշելով ծայրայեղ ու կոյր ազգայնական քաղաքականութիւն մը ուր արաբական մշակոյթի միահեծան կշռոյթին տակ թաղուեցաւ այդքան գնահատուած և յատկանշական բնոյթ ունեցող բազմամշակութային կառոյցը արաբական աշխարհի փափախող սիրտը հանդիսացող այս աննման երկրին մէջ:

Եւ եկաւ 1970ի Հաֆեզ Ասատեան իշխանութեան փրկութիւնը իր հետ բերելով 30 երկար տարիներու քաղաքական անդորրութեան և կայունութեան շրջան մը, որու խաղաղ հովանիին տակ ծաղկեցաւ Սուրիոյ տնտեսութիւնը: Համալսարանական լայն և

բազմաճիւղային ցանցի մը ստեղծումով և տարածումով, աննախընթաց կերպով զարգացաւ անոր կրթական համակարգը: Կրկին թափ առաւ նասերական շրջանի ընթացքին ազգայնացուած ազատ ճարտարարուեստը: Եփրատեան ամբարտակի շինարարութեամբ և Ասատեան լիճի կազմումով, բարեբեր յեղաշրջումի ենթարկուեցաւ երկրի տնտեսութեան ամրակուռ պատուանդան հանդիսացող հողագործութիւնն, երկրագործութիւնն ու գիւղատնտեսութիւնը: Այս բոլորը սուրիացի ժողովուրդին պարգևեցին յարաբերական բարօր կեանք, բարձր կրթութեան բախտառիթ պատեհութիւն, ազգային ջերմ գիտացութիւն և զարգացած երկիրներու կարգին դասուելու հետամտութեամբ՝ արդար հպարտութիւն:

Իսրայելեան ճակատի վրայ ամօթալի պարտութիւններու շղթայ մը ապրող Արաբական աշխարհը՝ Ասատեան իշխանութեան՝ Սատաթեան Եգիպտոսի հետ միասնաբար շղթայագերծած 1973ի պատերազմով, անգամի մը համար գոնէ, բարձրացուց արաբական աշխարհի ճակատը, հպարտութիւն առթող յաղթանակով մը, որու ընթացքին, իսրայելեան ողբերգական ճակատագիրը կասեցաւ միայն Միացեալ Նահանգներու ռազմական միջամտութեան սպառնալիքով:

Դարադարձը իր հետ բերաւ երիտասարդ, կորովի, զարգացած, լուսամիտ և արդիականացման հետամուտ նոր ղեկավար մը, յանձինս՝ Հաֆեզ Ասատի որդի, արևմտեան մշակոյթի մէջ իր բարձրագոյն ուսումը ստացած՝ բժիշկ (ակնաբոյժ) Պաշար Ասատի: Վերջին տասնամեակին Պաշար ևս, հետևելով իր հօր ժառանգութեան, դանդաղօրէն բայց ամուր կառոյցներու վրայ շարունակեց իր հօր սկսած բարեփոխումներու շարքը, արդիականացնելով սուրիական դրամատնային համակարգը և տակաւ առ տակաւ ազատագրելով սուրիացի առևտրականը պետական կաշկանդումներու ծանրութենէն: Երկիրը ողողուեցաւ ընկերային հաղորդակցութեան և մամուլի յեղաշրջման ամենաարդիական հնարքներով ինչպէս նաև համացանցով՝ բազմապատկելով գիտութեան տարածման և ընկալման առիթներն ու պատեհութիւնները:

Չարգացման անիւի հոլովոյթը չի կասիր: Մարդկային պատմութեան անիւի հոլովոյթին ամենատարրական օրէնքն է այդ: Եւ առ այդ, Սուրիան իր կարգին, երկար ճանապարհ ունի կտրելիք, քայլ պահելու համար մարդկային յառաջդիմութեան գնացքին, մանաւանդ ժողովրդավարական իշխանութեան մարզին մէջ:

Սակայն այն ինչ որ այսօր կը կատարուի Սուրիոյ մէջ այնքա՛ն հեռու է ժողովրդավարական կարգերու հաստատման այսպէս կոչուած կեղծաւոր բարի միտումէն, որքան որ գայլը հեռու է ոչխարներու հօտի մը հետ հաշտ ապրելու խոստումէն:

Մօտ ութ ամիսէ իվեր, «արաբական գարուն» կոչուած պատրանքին տակ, մուր Նկուղներու մէջ ծրագրուած ճիւղային դաւադրութիւն մը՝ ներքին ճակատի վրայ առատապէս վարձատրուած դժխեմ ոճրագործներու ձեռքով և սահմանակից

Երկիրներէ փախցուած գինամթերքով յաջողած է խախտել 40 տարիներու վրայ երկարած նախանձելի խաղաղութիւնը՝ քաղաքակրթութեան օրրան, արաբական ազգայնականութեան խարխիս և սիոնական ծաւալումի դիմադրութեան ռահվիրայ սուրիական աշխարհին մէջ:

Ազատութեան և ժողովրդավարական կարգերու հաստատման կեղծ և ստին դիմակներու ներքև պահուըտած վարձկաններու վոհմակներ իրենց «պաշտած» երկրին և ժողովուրդին հանդէպ սառնօրէն անտարբեր՝

- բազմիցս ահաբեկեցին երկիրը տնտեսապէս շաղկապող երկաթուղագիծը
- շարունակաբար պայթեցուցին դէպի գտարան կամ արտածման ելք քարիւղ փոխադրող խողովակները
- առևանգեցին հիւանդ կամ վիրաւոր փոխադրող ո՛չ պետական շտապ օգնութեան փոխադրակառքերը
- անգութօրէն սպաննեցին սուրիական օդոյժի գերմարզուած օդաչուներ
- յստակօրէն ծրագրուած և սադայելական միտումով երկրի դիմադրութիւնը ջլատելու մտադրութեամբ՝ ահաբեկեցին յատուկ կերպով թիրախ դարձուած աւագանի մը՝ բանակի մէջ աշխատող գիտնականներու, մասնագետներու, բժիշկներու և կրթութեան դաշտի մէջ ծառայող ուսուցիչներու և տնօրէններու
- ահաբեկեցին սուրիական բանակի և ապահովութեան ոյժերու ջոկատներ՝ սպաննելով հայրենիքի ծառայութեան մէջ գտնուող հազարէ աւելի երիտասարդ հայրեր, ամուսիններ կամ զաւակներ:

Ազատ աշխարհի ազատ մամուլի մէջ սակայն այս բոլոր ոճիրներու արձագանգը անգոյ է: Ճշմարտութիւնը քողարկուած է իսկ իրականութիւնը ընդհանրապէս խեղաթիւրուած: Մեզի հրամցուածը՝ առասպելներու գործարանէն, ամէն օր, ամէն ժամ, ամէն վայրկեան արտադրուած սուտն ու կեղծիքն է որ կը հասնի մեզի մեր շնչած օդին հետ և օդին չափ առատ ծայրայեղութեամբ՝ տարածուած զանազան և զարմանազան միջոցներով:

Կասկած չկայ թէ դաւադրութեան դէմ պայքարելու հոլովոյթի ընթացքին ինկած եղան անմեղ զոհեր որոնց անդարմանելի կորուստը կը սգայ այս տագնապէն տառապող ամէն անհատ: Յիշեցնել պէ՞տք է սակայն որ իր իրաքեան արկածախնդրութեան ընթացքին, Միացեալ Նահանգներու նախայարձակ պատերազմի պատճառած հարիւր հազարներով սպաննուած իրաքցի քաղաքացիները պարզապէս և պաղարիւնութեամբ որակուեցան collateral damage:

Հակառակ զաւեշտի նմանող պատճառաբանութեամբ և փութով երկրին և ժողովուրդին վրայ բանեցուած խայթիչ պատժամիջոցներուն, մինչև այսօր սուրիացի ժողովուրդն և իշխանութիւնը կը մնան անխախտ: Հերոսական Սուրիան կը տոկայ և կը շարունակէ

դիմադրել երկրին և ժողովուրդին արժանապատուութիւնը և անկախութիւնը վտանգող բոլոր ճարպիկ և անսահման միջոցներով տրամադրուած փորձերուն: Նոյն ատեն, մինչև այսօր, Քաթարի խաշնարած, վաչկատուն ցեղապետերու ժառանգորդ, քարիւղով յագեցած և խալիֆայական ձգտումներով յղի մեծամիտ, միահեծան իշխանները, անոնց դաշնակից ծաւալապաշտ Իսրայելը և տնտեսապէս զգետնուած խեղճ Արևմուտքը, խելակորոյս են իրենց ծրագրերու ձախաւեր վիժումով:

Միամիտ չենք սակայն: Առասպելներու գործարանը որ Նիւթի և կեղծիքի սով չունի, անդուլ և ապաժամ կը գործէ, փնտռելով ամենատկար օղակը կամ որմնախորշը, արդարացնելու համար լիպիական միջազգայնացուած ռազմական միջամտութեան զուգահեռը, ծունկի բերելու համար Սուրիան՝ որպէսզի շարունակուի իրաքեան և լիպիական քանդումներով սկսած սիոնական և արևմտեան գիւնարբուրը:

Համոզուած ենք անշուշտ որ Սուրիան, անտարակոյս, պէտք է շարունակէ յառաջդիմական բարենորոգումներու իր խաղաղ հոլովոյթը: Սուրիացի ժողովուրդը, չախչախիչ մեծամասնութեամբ, կը վստահի և կը հաւատայ թէ Նախագահ Պաշար պիտի առաջնորդէ սուրիական հայրենիքը այդ լուսաշող ճանապարհով, յառաջանալով ըլլալ Սուրիոյ Կորպաչևը՝ որպէս միակուսակցական միահեծանութենէն դէպի ժողովրդավար կարգերու նաւահանգիստը ապահով կերպով նաւարկող լուսամիտ առաջնորդը:

Հայ ժողովուրդը յաւէտ երախտապարտ է ասպնջական արաբ ժողովուրդին և մասնաւորապէս սուրիական հայրենիքին, որ առիւծի բաժինը կը կրէ ցեղասպանութենէ փրկուած, կիսամեռ, մերկ և նօթի հայ զանգուածներու փրկութեան և ապահով կայք և ապաստան հայթայթելու գթասիրտ և մարդկային արտայայտութեան մէջ:

Քաղաքական կեանքի մէջ այսօր անբաւարար է ճշմարտութիւնը ընկալած ըլլալու միխթարութիւնը և դաւն ու դաւադիրը բացայայտած ըլլալու հրճուանքը: Պէտք է հաւաքաբար պայքարի՛լ ճշմարտութեան արևի ճառագայթումով, վիժեցնելու համար Սուրիան անդամահատելու և զայն քանդելու նուիրուած բոլոր դաւերը, քաջ գիտնալով որ այսօր, իրենց մէկ հատիկ ծխախոտի գլանիկին համար... սուրիական տունն ու օճախը կրակի տալու պատրաստ դաւադիրներու առաջնահերթ շարքին կը կանգնին նաև հայուն ցեղասպան, այսօրուայ Թուրքիոյ օսմանատենջ նենգ դէկավարները:

...առասպելներ՝... շա՛տ շա՛տ:

Զգո՛յ՛ջ առասպելներու անհատնում կծիկէն:

Սուրիան՝ Լիպիա չէ:

Զաւէն Խանճեան
Glendale, California
Zaven@kanjyanrealty.com

Յ.գ. Հարցում մը ևս կը չարչարէ միտքս: Արդեօք հայրենի կառավարութիւնն ու ղեկավարութիւնը օրակարգի նիւթ դարձուցա՞ծ են սուրիական այս տագնապի վատթարացման պարագային սուրիահայ գաղութի գոյավիճակը: Եւ այս արդէն ուրիշ հարց է:

